




## Ulon Ve lecurdé



Idiom: Gherdëina  
Meludia: Simon Kostner  
Test: Ilke Senoner  
Ann de publicazion: 1996

Ref.:

Ncuei ulons ve lecurdé  
coche la ie unida a s'l dé,  
che Gejù ie nasciù te n medel  
y nia coche n rë te n gran ciastel.

Na nuet sarëina y frëida assé  
n grum de jënt caprò muessa ruvé.  
Betlehem, na gran zità  
ulache dut l popul vën cumpedà.  
Ënghe Maria y Ujep ie ruvei  
dal viac sfadiëus iesi stanc y finei.  
Maria aspieta y se stënta a jì,  
Ujep uel jì a crì zeche da durmì.

Ël tachelnea pra na porta de lën,  
ma deguni ne gëura, deguni ne vën.  
Ël proa tlo y proa plu n via,  
ma inió n'iel bon de abiné nia.  
Maria ie stancia y ulëssa paussé,  
ma deguni te cësa ne uel i lascé.

Scioldi ne ovi danz nia n grum,  
ma tant per paië ovi bën abinà adum.

Na landa i vëija y se mëina picià  
a udëi i doi jëuni ce ert che i sta,  
y ëila i manda ora n pastura  
ulache i pastri ie usei a fé na vita dura.

Te n medel abini n pue' de stram  
ulache i possa durmì nchin daduman.  
N bo y n musciat ti fej cumpania  
y sciauda I Bambin nasciù ntëur mesanuet via.